

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Die verteütschte[n] Text aus den Bebstlichen Rechten
vnd vil andren glaubwürdigen geschriffte[n]: daraus sich
menilich allerley mag erku[n]den wie erbarlich bisher
mitt gemeiner Christenheyt ist ...**

[Basel], 1521

VD16 V 590

Babst Leo jm Canon. Jta dominus noster Jesus Christus .xix.dist.

urn:nbn:de:bsz:31-40204

Babst Leo im Canon. Ita

dominus noster Jesus Christus. xix. dist.

User her Jesus Christus der seligmacher
des menschliche geschlechts hats also ver
ordneth/dz die warheit so zu vor in der an
zeige vnd verkündig des gesetz vñ der pro
pheten gehalten vñ begriffen ward/ durch der Apo
steln trumeten zu heyl vnd selickeit der ganzen welt
ausging/wie geschriben ist. Ir schall ist außgangen
in alle erde/vnd ire wort in die ende der welt. Aber
der Her hat das sacrament disses ambts also wellē
gehören zu dem ambt aller zwölffpotten/das er das
selb in dē aller seligste Petro dem obrüsten aller Apo
steln fürnemlich gesetzt hat/vff das er vō im als vō
einem haubt/seine gaben in den ganzē leyb ergüsse/
domit der verstünde sich vnteilbar sein des götliche
diensts/der do het dürffen abfallē von der veste sant
Peters. Dander Her hatt sant Petern in die gesel
schafft der vngeteilten cynickeit angenōmen/vnnd
gewōlt/das er soll genāt werden das er war/in dem
als er zu im sagt. Du bist Petrus/vnd auff dissen fel
sen werd ich bawen mein kirchen/vff das die erbaw
ung des ewigen tēpels durch die wunder samen gab
der gnaden Gottes/in der veste Petri stunde/dem
der her hat sein kirchen also befesteth/das sie weder
durch menschlichen freuel angefochte/noch durch
die porten der hellen müge geweltigt werden. Aber
dise allerheiligste stercke oder veste/die durch Gott
selbst erbawet ist/vnter städt sich alle die menschen

Der. xij.
artickel.
Der fels
dar auf die
Christlich
kirch geba
wet/soll d
Römisch
stül sein.

B

mitt zu uil vnchristlicher vermessenheyt zerrissen
vnd beleidigen/die sich vnterwindē iren gewalt zer-
stören/in dem das sie iren begirden gunst leisten/vñ
dem/so sie von den alten entpfangen/nit folgen.

C Babst Anacletus im Canon

In nouo testamento. vicesima prima dist.

Der. xiiij.
artickei:

In newen testamēt nechst dem hern Chri-
sto hat sich der priesterlich stande an sant
Peter angefangen/dan im ist zum ersten
das babstumb in der kirchen Christi geben
worden von dem heren/als er zu im sageth. Du bist
Petrus/vnd auff dissen fels werd ich bawē mein kir-
chen. etc. Vnd ich werd dir geben die schlüssel des rei-
chs der himmel. Darumb hat er zum ersten vō dem
hern den gewalt zu binden vñ auffzulösen von dem
hern entpfangē/vñ der erst das folck durch sein pre-
dig zum glauben gebracht.

Der anfang des capitels Trans-

lato. de constitut. in primo Decretaliū.

Der. xiiij.
artickei.

Das prie-
sterthumb
Christi soll
auff. s. Pe-
tern gsetzt
sein.

weil das priestertūb versetzt ist/so muß vō not
wegen die versetzung des gesezes ge-
scheen. Dan sie seint samptlich vñ zugleich mit einā-
der vñ vnder eyner eynigē zusage vñ verheißung ge-
ben worden. Derhalben was von einē gesagt würt/
muß auch vō dem andern verstanden werden.
Aus welchen worten sant Aug. über sant Pauls epi-
steln zu dē Hebr. sie gezogen habe obberürte meinig.